



十六

永樂十八年至廿二年

國權

庚子永樂十八年

正月子朔 上在北京

癸卯李彬擊賊於石室縣斬偽將良獲等百五十餘人都指揮孫霖又敗賊於嘉林州清化賊黎利屯嘉江都指揮徐源攻破其柵利遁

乙巳倭三百餘人掠金鄉福寧及井門程溪

甲寅 上觀燈午門賜群臣宴 上作詩群臣多屬和

鹽官談遷孺木著

已未左軍都督僉事何濬卒五河人父壽會州衛指揮僉事

甲子安州知州署龍溪縣事劉孟雍卒孟雍南昌人舉賢良

令龍溪潮寇陳永定負險為隣患至即計捕之懲猾吏均虛

戶勸農簡刑治稱最進安州部民乞留遂還縣

閏正月夜大星赤光燭地自宿南行至近濁

丙子行在翰林院學士兼右春坊右庶子楊榮翰林院學士

兼右春坊右諭德金幼孜並為文淵閣大學士兼翰林院學

士

戊寅甘肅總兵官都督費瓚壅涼州開田

庚辰擢人材華亭馬麟湖廣左布政使盛熙江西左布政使

趙瑛右叅議俞景周山東左布政使周克敬廣西右布政使

孫豫山西右布政使金恕右叅議江潤河南右布政使艾瑛

浙江右布政使吳衡陝西左叅政陸勉四川左叅政楊敬福

建右叅政李泰廣東右叅政俞景周周克敬江潤吳衡陸勉

辛巳夜大星光青白自天罇旁行至游氣

癸未日重暈左右珥色赤黃白虹貫之

乙酉固安人王晉順坐妖言誅

夜月食

辛卯命械交阯都指揮劉震于瓚吳興入京以討賊失利
癸巳夜大星光青白自中台西北行至近濁
乙未許州進白兔

二明商山東蒲臺妖婦唐賽兒作亂賽兒林三妻也少誦佛祭
天塚道得書劍習之為幻術剪楮作人馬相鬪衆神之往來
益都諸城安丘莒即墨壽光間奸人劉信劉俊丁谷剛賓鴻
等擁五百餘人據益都卸石柵恣掠青州指揮高鳳往捕之
敗沒事聞命招撫之不下

談遷曰長陵時迎帝師於西荒奠太嶽於南服靈輿自

天往、而有野、朝、曠、頌、謂、奇、微、殊、驗、古、未、之、覩、也、而、妖、婦、
借其說盜弄弄矢非其應乎漢明帝信浮屠致楚王英覆
國形端表正人主不可不察矣

辛亥趙府右長史董子莊卒于莊樂安人博學有操行洪武
壬子貢士除雲南薦宰茂名多善政永樂中預脩大典
進北京國子司業遷趙邸匡救其失王屢違度被詰責子莊
持之愈堅

戊午貴州烏撒衛指揮蔡禮進白兔
己未翰林院典籍陳壽為檢討

丙寅安遠侯柳升為總兵官都指揮僉事劉忠副之率兵討
山東妖寇勅以賊柵憑高無水且乏食當坐困之母汲

三月己朔詔在外軍民匠役營北京者咸復其家

癸酉妖賊攻安丘知縣張旗縣丞馬樵糾衆力拒

乙亥賊掠莒州千戶孫恭等失利

丙子夜大星赤光出天樞西北行入太尊旁

庚辰行在光祿寺丞高欽有罪誅

賊陷即墨

辛巳總兵官安遠侯柳升兵至益都圍却石柵遣旗手衛指

揮吳亮招之不應暮賊耿童兒來降云賊水食竭議趨東門

汲道而遁升即據汲道夜賊襲營都指揮劉忠中流矢死唐

賽兒等潛遁比旦遣指揮馬貴等追之不獲僅擒劉俊等百

三十四人

癸未命鴻臚寺丞李本凌友諒等往諭勅等百餘寨勒白

在西南最遠未通貢

甲申都指揮桑高鎮守薊州李昌鎮守山海關吳顯鎮真定

胡貴鎮守宿州王傑鎮守揚州徐甫鎮守永平

山東都指揮僉事衛青大賊敗於安丘時渠帥賓鴻等攻安

立心青自海汛還倍道以千騎擊敗之再戰城兵合擊賊始遁殺二千餘人俘四千餘人皆斬之安丘已不反脫青稍緩必無幸矣後三日謁柳升升嫉而粹之青不為屈

丙戌上聞唐審兒遁勅讓安遠侯柳升

丁亥進衛青山東都指揮使王真都指揮同知戊子賊魁劉俊王宣等伏誅以山東布政使儲挺張海參政盧信林鍾參議曾光按察使劉本副使王靖王肅僉事王攸劉光林植張建及經賊部縣吏皆徂亂棄市

己丑榮昌伯陳智為文趾左參將協贊李彬

癸巳蠲廣東寧遠縣水災田租

乙未紹興府通判秦川為右通政

戊戌總兵官安遠侯柳升縱賊被劾遂下吏以唐審兒未獲

命北京山東尼姑悉送京師

談遷曰自昔兇逆無不投首彼一妖婦其何地以終免也

在宋李全妻楊氏今以審兒見之矣

朱國禎曰聖人治天下要以生人為主故曰一夫不獲則

予之辜又曰仁者愛人故惡人之害之也害且不可而况

犯工作亂又挾妖術扇誘者乎。文皇即位於嘯聚之衆，諭之使解於逃匿之賊，招之使來，懸一恥，惟恐傷之，惟恐遺之，至不難遣使頒詔，曠然天地之量，至今猶可想見。獨於唐睿見之逃竊之至，盡殫章付之法，司通侯至於下吏，甚者徧逮諸尼，致詰略不少恕，何若是烈哉！然禍萌不可不折，民志不可不定，威在必伸，要使絕形影，杜疑似，事定即止，決無蔓延由前觀之，在於毋反側，由後觀之，在於殲巨魁，操縱之間，作用異而意則同，乃若劉孟雍以一縣令捕劇盜如反掌，真足當精兵三千人。王聖臣廉人人

得盡其職於乎哉哉

四 朔亥朔行在刑部 侍郎楊勉署山東布政司事 福建道監察御史鄒真署按察司事

夜大星赤光燭地出帛度南行入右旗

壬寅交趾總兵官李彬遣都指揮孫貴等擊賊於鎮蠻之廷

河縣敗走之彬自窮追殺獲六百餘人械范姪范王入京

戊午廣寧伯劉榮平榮宿遷人素驍勇從上請難敢戰每

為軍鋒自燕山左護衛百戶累至中軍右都督再北征改鎮

遼東有望海場之捷封伯馭下有紀律於屬夷示以恩信人

威思之追封廣寧侯謚忠武

湖廣按察司副使靳義卒義字原禮淇人洪武中監生授御

史永樂初按北京甚有聲皇太子居守賜魚尾以旌其廉

及臬楚劾按察使吳公悅都指揮王玉之賍風紀大振

庚申暹羅入貢

辛酉戶部郎中張煥刑部郎中石執中為山東左右布政使

監察御史鄧真為按察使

乙丑行在禮部右侍郎吾紳降廣東布政司右叅政

五月辛未夜大星赤光燭地自壁宿東南行至近濁

辛巳占城瓜哇國西王各入貢

壬午左軍左都督朱榮為總兵官整飭遼東

交趾總兵官李彬遣都指揮朱廣勦賊擒偽開聖王阮多偽

昭信侯譚興邦等送京師

癸未湖廣鎮溪子戶所苗叛總兵官都督蕭授平之

丁亥河南按察僉事門泰以貪黷誅

庚寅交趾右叅政贊皇侯保左叅政武陵馮貴俱討賊戰死

保以國子生令襄城翰榆博興有善政進交州知府歷叅政

提民兵禦黎利而陷貴字孟敬武陵人洪武庚辰進士授兵

科給事中性剛直風稜嚴峻從張輔督南餉遷交趾右叅議
提督金銀冶場遭喪奪情進叅政輯拊流民練土兵二千餘
皆勁銳積勝太監馬騏嫉而奪之至是羸卒數百強之勦黎
利值賊死人皆惜之
甲午都指揮僉事莊興改河南署南陽衛事
辛丑孝順事實書成採史傳二百七人各論次系以詩 上
製序刊行之

丙午夜北京地震

己酉廣東布政司右叅議陳誠為右叅政同中官郭敬等使

哈烈撒馬兒罕小答黑商于闐諸國時皆入貢故遣賜綵幣

壬子夜天星赤光燭地出天津西南行入河鼓一十餘

癸丑夜月犯井宿

七 庚午遣指揮使徐晟賜阿魯台勅綵幣

壬申中軍右都督夏貴卒貴應昌人初名曲倫台自燕山左

護衛指揮僉事從 上至今官時中軍都督僉事宛平王哈

刺把都兒自百戶累功亦卒俱賜祭

乙亥黔國公沐晟來朝進白兔

丙子貴妃王氏薨妃有賢德 上晚善怒委曲調護 東宮

諸王公主以下皆倚賴焉謚昭獻
辛巳四川萬縣饑賑之

夜月食

丙戌衡州同知方素易卒於獄素易樂平人洪武中令盱眙
蘇直平怒吏民感之晉太祖特勅賜上尊優去奏留後守金
華治行尤著永樂初坐累成興州尋拜左通政諭交趾陳季
擴復使思州勘田宗鼎黃福罪還除衡州捕桂陽峒寇龍卯
銘或詭言卯銘已兵死不信果獲之有巡卒訴一子噬於虎
即檄山神虎明日道死其獄以州民匿谷庶人貨株及素易

人皆惜之

丁亥興安伯徐亨後軍都督僉事吳成以三百騎備開平

己丑夜木星犯天樽西北星

庚寅壽星旦見

定大同中鹽河東引米三斗五升淮浙引米四斗

乙未夜大星光青白出文昌東北行至近濁二小星隨之

丁酉朔日食

庚子夜木星犯天樽東北星

壬寅左春坊左中允燕行在翰林院侍講鄒緝侍講王英主

考順天翰林院張伯穎左春坊左贊善兼翰林編脩陳仲完
主考應天

成甲永壽王尚虹薨謚懷簡

已酉壽星見丙位群臣請賀上曰上天垂象以親有德朕

惟恐弗堪

癸丑夜大星赤光出候星旁流文餘發光行入建星四小星

隨之

乙卯蘓祿國王西入貢

乙丑夜金星犯心宿後星

九 丙寅朔夜大星光青白出紫微西蕃行至近濁

丁卯揚州教授蘭從善青州教授林長楸寶雞教諭徐永達

並為翰林院編脩甘泉教諭張昱東阿教諭林岫永年教諭

劉順並為國子監博士司吏科給事中陳山侍皇太孫

已巳北京宮殿將成遣行在戶部尚書夏原吉賚勅召皇

太子期十二月終至北京

甲戌脩仁和海寧海所

夜大星光青白出霹靂東南行入天倉

乙亥太監侯顯等使沼納樸兒國時榜葛刺國王奏沼納樸

見國王亦不刺見侵故諭解之
設大通關提舉司如南京龍江提舉司專治舟
戍寅滿刺加蘇門答刺各八貢

乙酉通政使賀銀平銀臨海人洪武中以桃源教諭薦令宛
平請難時倡給芻餉進通政司右參議越六年進工部右侍
郎尋降主事初闕廉譽侍郎坐累籍貧甚厚後復官改行沒

之日家具蕭然
丙戌夜二大星一青白光出天津南行至游氣一赤光出內
階西行入閣道

丁亥諭行在禮部明年元旦定北京為京師去行在令上南
京諸司印給京師諸司別鑄南京諸司印加南京字

戊子夜月犯軒轅右角星
己未諸城縣進龍馬

十
丁卯酉榜葛刺國頭目者刺里丁八貢
庚子召周王構以河南中護衛軍丁俺三等許其不軌也
夜大星赤光出五車西北行入上台

乙巳古麻刺國王翰刺義亦敦奔率妻子陪臣從太監張
謙來朝

己酉夜月犯畢宿

壬子古皇太子發南京

乙卯辰州府同知劉叔恣卒叔恣廬陵人博學恬介初令沅

陵民多避役為計其丁貲均之流徙皆復婉諭解訟遷北京

刑部員外郎工作方輿中官董其役多凌侮獨以廉勤稱召

脩大典沅陵人思之遷辰州率郡民營造北京卒役人悲慕

還葬辰州

丙辰給古麻胡國王幹刺義亦敦奔印誥

皇太子過滁洲登瑯琊山指學士楊士奇曰此醉翁亭故址

也蓋好歐陽修文謂有雍容和平氣象刊行之

唐申交趾總兵官李彬遣交州指揮使方政敗黎利於老撾

忙心河走之

壬戌都指揮僉事馮興鎮定州崔聚守紫荆關

癸亥甘露降孝陵松柏皇太孫採之薦太廟并獻

十一月皇太子謁鳳陽皇陵步陵旁見仁祖所遺石農器

顧侍郎張本學士楊士奇曰國家帝業所自也徘徊久之退

後父老進謁賜酒饌或語及太祖微時事嘆曰知當時者益

鮮矣

丁卯行在左軍都督薛祿掌北京行後軍都督府

戊辰詔曰朕皇考高皇帝建都江左肇造邦基肆朕繼承惟

懷永圖乃依古制狗輿情立兩京置郊社宗廟創建宮室上

以紹先志下以詔子孫營建以來天下人民樂於趨事天人

協贊景貺駢臻今工告成選以明年正朔御奉天殿朝百官

治萬民故茲詔示咸使聞知

謝彬曰商遷五都不別置員周營洛邑惟命保釐漢唐舊

邦正設京尹宋於西京僅命留守保釐京兆即今府尹是

也未聞兩都並建六卿如今日也說者以為京師者大衆

之謂物無兩大權以一尊故謂南吏部不預銓選禮部不

知貢舉戶部無徵歛之實兵部無調遣之行視古若為冗

員嗚呼是豈知國家之深計長慮哉夫宮闕陵寢所在亦

軍城守之事府庫圖籍之所儲侍東南財賦之所輻輳雖

設六卿以分理之猶懼不給也可以為冗員而輕議之善

乎在文莊有云天下財賦出於東南而金陵居其會戎馬

威於西北而金臺為其樞並建兩京所以宅中圖治足食

足兵據形勢之要而為四方之極者也嗚呼得之矣考永

樂十九年始稱南京洪熙元年去之正統六年復稱南京

一時印信皆新鑄給然龜鼎雖遷於北神后終表於南且
水殿之舟楫猶供陪京之省寺不改所以維萬世之安意
固遠也豈前代舊邦可得而並論哉而立公亦特舉其會
端而言之耳
己巳教授張舉訓導吳鼎貢士柯暹監生朱禮俱為戶科給
事中教諭杜本成廣生瑩秀才彭彥虎徐孟夏俱為禮科給
事中秀才鄭得皎俞得濟俱為兵科給事中監生龍源彭璟
俱為工科給事中遂昌訓導湯新為宗人府經歷
應天府尹顧佐改順天

日寺

甲戌裁北京苑馬寺初用軍牧比調軍保安改民牧故罷六
監二十四苑

十七亥召皇太孫同皇太子至京

壬午裁北京行部并所屬六曹清吏司增刑部雲南交趾貴
州三司
婁江知縣張煥縣丞馬搗為山東布政司左右參議

丁亥免海康遂溪潮溢田租千六百餘石

己丑皇太子過鄒縣見饑民拾草實為食問之下馬入民
舍鵜衣圮竈嘆曰民隱不上聞至此哉徧問所疾苦報食

之山東布政使石執中迎謁責之對以乞停災租 皇太子
曰民今骨立尚忍稅耶其即賑以粟執中欲入粟三斗八皇
太子曰倍之吾自為奏也毋懼擅發
辛卯夜月掩金星
壬辰曲陽妖人楊得春逃晉陽符呪惑眾謀亂伏誅
是月賑青萊年度等饑民粟四十七萬九千一百七十九石

十二 亥 貴州歲貢生入國子監

甲辰劉滿嗣廣寧伯劉榮子

行在左副都御史李慶為工部尚書右副都御史王彰為右

都御史翰林院脩撰羅汝敬為侍講

夜用祀畢宿

丁未中軍都督陳恭掌中都留守司事

甲寅封中軍右都督郭義安陽侯祿千一百石後軍右都督

薛祿陽武侯祿五百石左軍都督同知薛斌永順伯祿九百

石並世襲

北京刑部尚書郭濟改戶部尚書侍郎李昶為右侍郎李友

直工部侍郎崔衍兵部右侍郎

己未 皇太子及 皇太孫至北京言山東賑饑事 上善

之

癸亥北京新宮成規制如南京加其壯自戊子六月肇工歷
十三年工部營繕郎中蔡信為右侍郎餘陞齊有差時至文
免鳳陽旱傷田租

始立東廠專內臣刺事事不見正史而會典據成化十三年
大學士萬安奏罷東廠云文皇帝建立北京防微杜漸初
行錦衣衛官校暗行緝訪謀逆妖言大奸大惡等事恐外官
徇情隨立東廠令內臣提督控制之彼此並行內外相制云
云不知實錄遺此何也

十一

辛丑永樂十九年

正甲子朔祭土詣太廟奉安五廟神主命皇太子奉安具
上帝地祇神主於天地壇皇太孫奉安太社太稷神主
於社稷壇照國公沐晟奉安山川諸神主於山川壇禮畢
工御奉天殿受朝賀大宴

乙丑中書舍人朱孔暘為翰林院編脩

丙寅刑部尚書吳中丞都察院右都御史王彰糾天下入覲官

溺職者皆宥之

丁卯翰林院學士兼左春坊左諭總楊士奇為左春坊大學

士

備倭都指揮谷祥貪虐杖斃指揮梁海事聞下獄死

己巳和寧王阿魯台遣使來貢使要劫行旅上戒諭之自

是阿魯台不朝

交趾總兵官李彬遣都指揮師祐追潘僚於玉麻州賊借老

十七

過戰象突我官軍力戰象反走賊潰

甲戌

丙子定各番夷朝貢賞例務從厚悉依品級

增保安州順聖川牧馬萬二千匹

戊寅

安陽侯郭義卒義濟寧人國初累戰功補燕山右護衛千戶

從靖難進中軍右都督在南京去年封未及拜命強毅敢任

上甚悼之賜祭葬

己卯夜月食既

辛巳廣東巡海副總兵指揮李珪值倭於潮州擊斬五級俘
十五人

申申置雲南車里靖安宣慰使司初車里軍民宣慰使刀弄
同知刃雙孟美叔至是雙孟委刀弄侵擾允分治於是割其
地以雙孟為車里靖安宣慰使

戊子忽魯謨斯阿丹祖法兒刺撒不刺哇木骨都末古里柯
杖加異勒錫蘭山溜山喃勃利蕪閣峇刺阿魯滿刺加甘巴

里十六國入貢
己丑前軍右都督董信卒三萬衛人請難功自小校起家予

開四川南部縣黃祿古井鹽

辛卯禮部尚書呂震以中官之譖告皇太子宜疏其人

皇太子曰過悞吾容有之既至尊不信何校為

壬辰魏國公徐欽自南京來朝遽辭歸失上意罷為氓保

守鳳陽先瑩詔命

癸巳命太監鄭和偕十六國使臣往賜其王錦綺紗羅綾絹

二月亥左春坊大學士楊士奇翰林院侍讀周述主禮闈

辛丑都督僉事胡原為總兵官都督僉事梁銘都指揮使薛

山副之率廣東兵五千人防倭

庶吉士周崇厚高穀宋琰胡觀朱景章文昭張益柴蘭貢士
劉鉉諸生羅淵干需夏衡凌壽秀才衡請宣嗣宗程南雲張
子俊胡宜衡姚繼黃振宗俞保大陸友仁余攸善劉實李栢
霞並為中書舍人

癸卯開四川福興源亨小成鹽池并鹽

丙午周正補至京自正示以隆章頓首謝罪置之

壬子通渭縣饑賑粟二千六百八十石

己未全椒吳橋饑賑粟四千六百五十五石

壬戌楚王賴慶王補來朝

三朝末楚王還國

壬申命皆杖徒流雜罪俱輸作以贖

丁丑策貢士陳甲等二百一人於奉天殿賜曾鶴齡劉矩裴

綸等進士及第出身有差

甲申賢妃喻氏薨謚昭順尋加忠敬昭順

丁亥復遣太監海童往賜瓦刺賢義主太平安樂王把禿孛

羅等綵幣時入貢詔諭其部落方敗於阿魯台部衆流散近

邊懼見執故安之

四甲午封秩隆慶世子秩燾靜寧王秩焄安化王秩熒真寧王

四秩煉岐山王

乙未夜大星光青白出房宿西南行至近濁

丙申周王補還國

談遷曰周定王以河間東平之風屢被譴責幽於建文

詰於成祖當工變馳召時事各有指殆無穴自容矣幸

雷霆易寂堦麓終和保有賢名祚茲來胤亦成祖之厚

也彼晉攸魏魏齊敵周憲各以親賢死於非命以定王

王之霄壤矣

成或慶王補還國

十九

庚子奉天華蓋謹身三殿災

談遷曰新宮告成不四月災及三殿營之何久燔之何亟

其後通構通燬曾無石年之固抑國家以火德王煩我土

木耶

壬寅詔曰朕恭膺天命祇紹鴻圖受啟古制肇建兩京乃三

殿災朕心惶懼莫知所措意者於敬天事神之禮有所怠與

祖法疾與政務平與小人左位賢士隱跡與刑獄冤濫與諛

慝交作與削剝格尅及田里與蠹財妄費用無度與租稅太

重徭役不均與軍旅未息征調無方饋餉乏與工作過度民

力敝與奸人附勢群吏弄法抑有闡葺不治而致然與朕之
寡昧未究所繇爾文武群臣且陳無隱朕圖悔改以回天意
癸卯癸祿國王東母遣使入貢曾士勤親與行宮子益與
甲辰翰林侍讀李時勉侍講鄒緝應詔上言陛下嗣紹興
高皇帝統緒建立北京焦勞聖慮幾二十年本所以為子孫
不拔正基天下萬民尊仰之根本然肇建以來工巨費大調
度廣科派繁群臣不能深體聖心致措置失宜况官濫員內
外大小動至千百征需無藝楛克蠶食竭髓猶不足供費用
莫知所圖夫衣食者民所賴命也百萬之衆終歲在官既不

得遂其父母妻子樂生之心使耕種失時農廢業猶且征
求益深所取無極至於代輸桑棗以供薪爨剝取桑皮以為
楮料而衣食罄矣加之官司貪吏橫征暴斂日甚一日即如
前歲買辦青綠顏料本非產處科派動千數百戶民無可得
釀鈔行買每大青一斤至萬六千貫及至進納多以不中不
肯收受徃復展轉須三萬貫而不足供一柱一椽之費其後
已遣官課辦產處府縣買辦猶不為止蓋緣工匠派料之時
預為濫取之利初不顧民艱難害之甚者也然此其一爾京
師天下根本人民京師根本也人民安則京師安京師安則

國本固而天下安自然之勢也自營建以來群輩工匠假託
威勢驅迫移徙號令出屋宇已摧孤兒寡婦哭泣叫號寒
暑暴露莫能自蔽倉皇別徙無突粗完又復重驅莫知所向
卒有三四遷移不能定居既移之後所空之地經日逾時工
力猶未之及此皆一陛下之所不知而京師人民不無怨讟
者也貪官污吏徧布內外朝廷每一差遣卽是其人養活之
計州縣官吏賄賂必行逢迎恐後間有廉潔自守不敢承應
還命之日卽罹讒毀無已自明是以在外藩同而示間有差
遣官望風應接剝下媚工有同交易夫小民所積幾何內外

上下誅求如此今山東河南山陝諸處饑荒水旱相仍至剝
樹皮掘草根簸稗子為食官無儲蓄不能賑濟老幼流移顛
踣道路賣妻鬻子以求苟活而京師之內聚集僧道幾萬餘
人日食廩米皆百餘石猶且徭役不息征歛不休此皆耗蠹
以養無用者也報効軍士朝廷厚與糧賜使之就役而游行
徃來恣橫擾害是乃奸詭之人懼還原伍科徭不堪假圖規
避豈真有報効之心可任用者哉朝廷歲令有司織段鑄錢
齎徃外番及西班胡買馬收貨所出以數千萬而所取曾不
十一夫錢出外國自昔有禁竭天下所有以與之可謂失宜

矣馬至雖多類皆騫下散養民間馬多人少生養不遂及至
死傷輒令賠償馬戶貧困鬻賣子女猶不能塞不知人民耗
矣多馬奚裨昔晉武帝從胡內地卒致亂華今入貢胡人皆
窺覘虛實圖便利者也乃使群居輦轂鞍馬弓矢牛羊衣服
或供張厚賞賚以優之比寧足明廣大耶至於宮觀禱祠蠹
財妄費亦其一端夫奉天殿 陛下正朝之殿也災首及焉
自非省躬責己改革政化疏滌天下窮困之人曷回上天譴
怒之意臣願 陛下駕反南京奉謁陵廟告以災變保養聖
躬休息於無為散遣營造工匠停止征派役作蠲除租賦賑

濟饑荒勿聽小人重勞天下罷絕禱祠禁絕僧道除下番買
馬之役四夷朝貢賜賚遣之勿復容留沙汰冗濫覈豪懲貪
獎廉能之吏重陞賞之實又前者常有監生生員告乞侍親
因而獲罪發為克軍又其間有先告侍親後以親終已行出
仕有司不行分理概發克軍者此皆有虧教化之風並乞赦
原遂其初志又近者大赦天下法司執滯常條罪可宥原尚
復繫拘亦乞予之自新量加滌洗夫國家所恃長久者天命
與人心也而天命常視人心為去留欲得人心先教教化必
脩禮讓心遂其生養必足其衣食使其知父子君臣之義被

道德仁義之化休養田里之間不見貪殘虐害之政將災沴
不作太平可臻矣既上忤旨頃之坐謫下獄尋赦出不叙
其料給事中柯暹監察御史徐瑒鄭惟桓羅通刑部主事高
公望翰林院庶吉士入并並言時政上俱嘉納之
其談遷曰辛丑言事諸臣多矣未有如李文忠之剴切者也
自營造北京殫軍民之力萬計彼元之舊都靡麗已極出
費高皇帝封燕時謂不煩一役僅易其瓦請難以後勢難拱
辰何遽挾而改圖之也必制同建業則時詘民勞苟紓
目前不妨小異當其締費計有三年塗膏鬻血竭髓焚脂

城祖號英察而官吏科擾猶如此日後亡論已

殺部主事蕭儀群臣應詔言事皆云遷都不便儀尤
峻切上怒命磔之曰吾與大臣密議數月豈復不便哉科
道官因劾奏諸大臣上御午門樓使廷辨諸大臣啐罵科
道官書生也昧大計戶部尚書夏原吉奏曰御史給事言官
也且應詔陳言臣等備員不能協贊是臣等罪也上悅兩宥
之

立濬白漢之邊在北咸陽去朔方千餘里唐邊在兩長安
去吐蕃界亦幾千里焉今京都北抵居庸東北抵古北口

西南抵紫荆關近者百里遠者不過三百里所謂居庸則
吾之背也紫荆則吾之吭也據關中者將以搯中國之吭
而拊其背都幽燕者切近於北狄則又將恐其搯吾之吭
而拊我之背焉所以防蔽之者當尤深加之意蓋制人而
處不得猶不至於失已守已而或有所失則其害豈但不得
處於人而已哉夫自古中原無事則居河之南中原多事則居江之
南自然之勢也成周以來河南之都惟長安洛陽江南之
都惟建康其次則有襄鄧焉唐朱朴之議曰襄鄧之西夷

漫數百里其東則漢興鳳林為之關南則菊潭環屈而流
屬於漢西有上洛重山之險北有白崖聯絡誠形勢之地
迭衍之墟若廣浚河渠漕輓天下可使大集此建都之上
選也雖然皆未有及燕薊之形勢者大行盤谷自西而北
居庸古北松亭等關北瞰沙漠南引江淮土厚水深博大
築壇其人沈鷲材勇杜牧所謂王不得不王霸不得不霸
之地豈非天遺其勝以奠我萬世帝王之業乎
王世貞曰南京乘長江之險龍蟠虎踞然亦太迫於江風
濤擊撞宮市不寧是以有偏王而非宅中北京雖號稍壯

北與近而南與鉤遠然左滄海右太行風氣敦厚長安
 之下此其最也身身之...
 談遷曰...文皇帝都燕雖襲元舊而元不足以當之彼韓
 難之胡雛以應昌為工都直鴈集耳自我...明拱極其勢
 始壯郊郭之鼎早定諸臣不脫輓轡而先之猶歎...懸舊
 洵難與慮始也雖然蕭儀何罪橫被斧礮至於合批鱗之
 血沉碧木雪冤乎莫為之白矣...
 已已停止中外之不便不急者...
 已酉萬壽節禮部請賀初曰上天垂戒監寐不違禮部以初
 朕

廿五

度請賀甚非所以畏天而徒益不德焉其止

辛亥暹羅國王三賴波磨刺札的賴入貢謝侵滿刺加之罪
 癸丑勅吏部尚書兼詹事蹇義 科給事中馬俊往南京禮
 部尚書金純 科給事中葛紹祖往四川右都御史王彰
 科給事中王勵往河南 副都御史劉觀 科給事中李瑒
 往陝西 副都御史虞謙 科給事中許能往浙江工部
 侍郎郭進 科給事中章雲往江西刑部 侍郎楊勉 科
 給事中徐初往福建禮部 侍郎郭敦 科給事中陶衍往
 北京工部 侍郎李泉 科給事中劉渙往山東太常寺少

卿周訥科給事中劉蓋往湖廣大理寺丞郭瑄科給事
中艾廣往廣東大理寺丞孫時科給事中蕭奇往山西通
政司參議朱侃科給事中楊春往廣西各安撫軍民詢察
利病禮部左侍郎儀智致仕智高密人洪武中自教諭知高郵州
民愛之進守寶慶又畏愛之永樂二年遷右通政兼右中允
未幾陞湖廣布政使三年入禮部侍郎十一年元旦日食獨
止賀並上心是之令侍皇太孫啟迪曲盡寬平嚴正務持
大體遇事又別白當否年八十七骸尋卒

丙辰古麻朗國王幹刺義我亦敦奔歸至福建卒遣禮部主
事楊善祭之謚康靖塋子刺必嗣古麻刺朗國王以歸

夜大星色黃白出壁宿東北行至近濁

五朔戎朔選庶吉士衛恕陳融溫良姚本張恕萬碩黃澍楊鼎
王連季學吳得全朱子福王振蔣謙韋昭餘進士還鄉待用
翰林院脩撰余鼎為侍講

乙丑給事中柯暹監察御史何忠鄭惟桓羅通等前言事請
止巡遊引龍不離淵虎不離穴為喻上怒詰問之引易書
龍虎風雲對皆譎知州俱交趾實錄云疏語侵工部尚書李慶等不能平上怒其招忌

故遠

丙寅榜葛剌國入貢

壬申淳泥國叔祖須麻億等入貢

周王構辭三護衛從之

庚寅令交趾分軍屯田從總兵官李彬之請

六甲辰吳縣西去瑞昌饑賑穀萬一千八百石

庚戌以瓦剌侵哈密諭賢義王太平等還所掠

甲寅令南人入南京國子監時北雍隘不能容

乙卯潛山東光饑賑穀五萬四千八百二十石

廿七

丁巳謀者云阿魯台欲寇邊勅屠庸等關嚴備

庚申命遼東總兵官都督朱榮都指揮巫凱劉青選五千騎

山東都指揮王真領三千騎並赴北京

七 癸亥命河南都指揮張禎山西都指揮朱銘各領卒五千銘

兼太原三護衛卒四千潼關衛指揮領卒一千並赴北

京

乙丑後軍都督僉事章安選口北卒一萬赴宣府山西行都

指揮李謙盛全選卒一萬赴萬全錦衣衛指揮劉儼左通政

樊敬選河南卒二萬赴北京

丙寅翰林院庶吉士周叙尹鳳岐習嘉言楊拱陳詢為編脩
典籍黃約仲庶吉士彭麟應秦初黃裳陳善韋昭連智莊約
許彬胡謙王諭馬信李冠祿萬克甄聰陳紀張式鄭猷為檢
討庶吉士楊盛魁厚銜愨張愨沈讓段苒姚本陳融溫良為
中書舍人
丁卯嚴自宮之禁

己巳上將巡邊勅都督朱榮等領前鋒偵安遠侯柳升
等領中軍及大營神機營寧陽侯陳懋等領御前精騎永順
伯薛斌恭順伯吳克忠等領胡騎武安侯鄭亨等領左哨陽

武侯蔣祿等領右哨英國公張輔等領左掖成山侯王通等
領右掖

癸酉志坳嗣保安王

寧津高邑欵新寧工杭饑賑粟六千一百七十石

戊寅惠安伯金玉卒玉江浦人羽林衛百戶調燕山左護衛
從靖難歷中軍都督僉事破封賜祭葬妾田氏自經以殉
贈淑人

庚辰臨安公主薨高皇帝長女母成穆貴妃孫氏適駙馬
都尉李祺年六十二

丁亥中軍都督同知曹得率大同人請難功性謹實御下不
戊子謀阿魯台北遁罷所徵兵
朔卯朔日食

壬辰太監海童指揮白忠等還自瓦剌言亦力把力國王至
思與賢義王太平戰互勝負遂命邊將嚴備

癸巳還諸路兵期明年二月至北京

甲午夜大星光青白出北斗杓西北行至近濁

庚子壽星旦見

癸卯河間進白兔

丁未夜月犯天困南星

庚戌免徐州去年水災田租四萬三千八百九十二石

甲寅選西寧莊浪平涼鞏昌岷河臨洮等土軍明春赴北京

丙辰命鎮守寧夏寧陽侯陳懋選卒六千五百明春赴京

丁巳命陝西都司中都留子司選卒一萬四千三百明春赴

京

庚申漢世子瞻駭薨謚懿莊

九劫戎左春坊左庶子鄒濟為少詹事右春坊右中允黃琮為

右庶子

癸亥工科給事中戴希文為太僕寺卿

辛未賊黎利走老過總兵官李彬進師老過遣頭目覽者阻我師云縛利以獻竟不至命遣頭目至京詰之

己卯交趾總兵官李彬追擒劇賊楊恭於新安之岐山縣

丁亥夜大星赤光燭地起尚書西北行至天津三百里

十月己遲羅等入貢

壬寅皇孫瞻垠薨東宮第四子年十七追封靜樂王謚

莊獻堊昌平宜山

癸卯夜金星在天江中星

丙午夜大星光青白出土司空旁行至雲中

丁未永順伯薛斌卒斌初名脫欵襲燕山右衛指揮僉事靖

難功歷左軍都督僉事從征胡進都督同知封

廣成翰林院侍講鄒緝為左春坊左庶子仍兼侍講庶吉士

董璘為翰林院編脩刑部郎中段民為山東布政司左叅政

監察御史俞士悅陳鎰為湖廣按察司副使

壬子夜月犯靈臺中星

十一月遣內官楊實等監察御史戴誠等分覈京省庫藏通年出納之數

己巳命邊將置邏騎營於古北口北神樹之地作深溝高塹以自固
丙子復欲北征命戶部尚書夏原吉兵部尚書方賓禮部尚書呂震刑部尚書吳中等議皆謂頻年勞師軍馬儲屑十喪六九災青屨作內外俱疲重以聖體少安涉冒風沙殊所未便古不勤兵於遠莫若休養於內備禦於外方圖入奏會上遽召賓賓言饋餉恐不贍遂召問原吉餉數對曰贍備禦而已亡以給大軍上不懌即命原吉料儲餉於開平而吳中入對與賓同遂召原吉下內官監獄以大理寺丞鄒師賢

嘗署部併繫之賓懼自經上曰朕未嘗罪賓何遽然賓錢塘人自監生擢刑部試郎中數月改兵部建文中署應天府事坐累謫廣東薦入兵部郎中上即位拜左侍郎己丑扈從北京進尚書雖寡學善應對聰敏強記職務叢脞問無不益既見任脩怨怙勢原吉下獄賓方提調靈濟宮間上怒未解欲投繯上猶惜其才既聞賓平生怒曰生失誅矣僂其屍併下吳中獄初使者逮原吉原吉方治粟使者促甚急原吉曰姑少俟不爾慮有侵漁死吾安之不以相累也辛巳翰林院侍讀李時勉坐累下獄

甲申命刑部右侍郎張本右都御史王彰等分徃直隸山東
山西河南應天鎮江廬淮安滁和徐順天保定順德廣平真
定大名永平河間各造車發丁壯明春運餉集宣府

丙戌夜月掩東咸星

己丑靜寧王秩燹薨

十二月夜金星犯壘壁陣西第五星

壬寅夜大星光青白自天市西垣韓星旁東南行至近濁

丙午夜月犯軒轅左角星

工部尚書李慶改兵部

壬寅永樂二十年

正月未朔日食免朝臣賀

丙寅夜月犯畢宿

辛未上南郊

壬申交趾總兵官豐城侯李彬率彬鳳陽人襲濟州衛指揮

余事有智略從靖難歷右軍都督同知封初鎮江西征交人
還殄倭守甘肅鎮交吐勞勩為多追封茂國公謚剛毅

談遷曰國初重邊寄多在西北自永樂初南討黎氏版籍
其民於是始慎越帥張英公而外豐城久勞於疆場或北
或南不遑寧處交人好亂尺一屢下黎利等迄今未即獲
兵何時息耶宜盡心畫方略滅此後食竟不幸朝露遺其
夏於君父死而有知將蒙面地下也

夜月食

丙子龍游寧鄉饑賑粟二千九百石

己卯進士何善張政馮泰花宗淵張聚何文淵金廉嚴烜林
真曹令德賴英鄒得初陳紹夔王愈楊誼杜時光克恭梁廣
成游奎鄧敬為監察御史

哈烈于闐諸國入貢

壬午禮部尚書兼都察院事呂震劾連東總兵官都督朱榮
弛備縱及廣寧都指揮王真周興等俱宜下吏命戴罪自

効

乙酉夜大星光赤黃起翼宿東南行至近濁

二廟寅除烏程絕戶糧二萬九千五百四十七石

夜大星赤光燭地越天市西垣外行至騎官

癸巳故惠安伯金玉子瑛襲金吾左衛指揮使

己未秦府志潔封富平王

己亥後軍都督同知朱崇卒崇定遠人襲燕山右衛指揮使
靖難功陞歷鎮陝西山東賜祭葬追封平陰伯謚武襄子鎮
襲燕山右衛指揮使

辛丑命考黜賍汚官吏邊戎之

己巳議北征魏運令隆平侯張信工部尚書李慶侍郎李昶
督前運踵大軍餘分車驢泰寧侯陳愉都督張遠吳顯右都

廿九

御史王彰侍郎張本伏伯安指揮十八郎中員外郎主事五

人御史五人督車運鎮遠侯顧興祖都督章安兵部尚書趙

璘侍郎崔衍都指揮李得指揮等如上督驢運保定侯孟瑛

遂安伯陳英侍郎郭敬都指揮陳景先指揮等如上督後運

惟用車仍率騎一千卒五千護前後計驢三十四萬車十一

萬七千五百七十三挽役二十三萬五千一百四十六人轉

餉三十七萬石

丁未封志堞永興王

後軍都督僉事程寬卒寬穎上人有膽氣襲蔚州衛百戶靖

難功陞賜祭塋追封保昌伯謚忠威

三巳未故永新伯許成子貴襲羽林前衛指揮使

辛酉夜月犯畢宿

丙寅戶部言開徐高邑靈壽藥城民饑上歎曰皇考置

預備倉俟賑今有司於饑民奏請待命彼先溝壑矣其令有

司過饑迫賑而後奏

辛未夜月掩食土星

乙亥阿魯台犯興和殺都指揮使王煥城陷或曰王煥候

新興伯譚忠於郊中酒為伏所縛因脅其從人乘昏呼門

廿五

納之遂陷興和在萬全都司野狐嶺元中都也上北征每

往興和而所陷不復立以孤絕難守耶煥子祥襲燕山左衛

指揮使

吳朴曰興和元氏居盛國家於宣德間棄興和退守龍

門北踰野狐嶺直過宣府孫興祖鎮大同以師伐之豈

為窮兵黷武哉我國家定鼎幽燕宣府是其北輔過野狐

便為狄境然則徙興和退守龍門者不亦有罪而今日所

以圖議收復以為宣府之蔽而奠神京萬載之安可容緩

哉

宣府志曰興和棄而所移鎮城則宣府之西北戍矣開平
棄而衛移獨石則宣府之東北戍矣廣輪之戍於古昔有
由也雖然興和膏腴萬頃土人意猶戀之而屏置弗講必
其時勢難焉為至如開平則灤水龍岡環抱明秀當時可
田田之以省轉輸不可田則畀之孕顏諸夷與大學相尚
庶乎厚我之防携彼之勢亦豈非萬世長策乎而胡為不
然也嗚呼河湟不復東勝不守邊備之疎也匪特宣鎮然矣
惜哉

丁丑親征阿魯台告郊廟命皇太子監國初阿魯台內附

以迫瓦剌窘甚南保塞自歸上納而封之既得休息生聚
畜牧數歲蕃富遂慢我使者拘留之彼使歸行劫掠其部下
往寇塞下

戊寅上被承天門發北京晚次榆林

辛巳駐蹕雞鳴山興和之下適諸將請急追之上不許曰
追之徒勞耳我道開平踰應昌乘其不意擣穴未晚也

癸未次宣府

甲申享將士

乙酉市山東河南山西驢二十餘萬至給士卒

四月亥朔勅皇太子凡官軍以罪繫者悉送軍前立功
戊子武安侯鄭亨以萬卒治龍門道

庚寅賑穎州饑民粟八萬六千八百五十石皇太子從吏
部尚書巡撫蹇義之請

辛卯命太醫院分醫生於行營視疾

己亥勅前鋒都督朱榮等勤哨瞭慎設伏

辛丑次龍門收道遺馬二千餘匹

癸卯萬壽節禮部請賀上曰朕不獲祇拜宗廟兼念從征
士卒之苦何樂於心此行驅安邊共効忠勇所以賀也

壬子令民以軍餉役塞外者復之一年

乙卯次雲州閱兵

五月未令將士軍行不得離隊五十丈牧放馬驢亦毋得遠
離營

廣州暴風雨潮溢溺人畜壞田舍皇太子遣使撫問

夜大星光青白起角宿西北行至下台

辛酉午日次獨石宴征從群臣

甲子瓜哇國西王入貢

乙丑工度偏嶺令將士獵道旁山下曰非好獵也以繕士

怒

丙寅次隰寧初開平備禦成安侯郭亮曰至勿戰固守俟

大軍城中民禁之遠出也堡無要害者悉徙入城

丁卯大閱諭諸將曰水因地而順流兵因敵而作勢水無常

形兵無常勢兵猶水也

戊辰校射一卒連中三賜牛羊各一鈔五錠銀碗二曰重賞

則人勸是日工作平三曲使將士歌之壯敵愾

庚午召列侯馳射英國公張輔安遠侯柳升寧陽侯陳懋連

中應城伯孫亨不中罷其領兵隆平侯張信辭疾不至降辦

事官餘半中上諭曰勇智兼全為將之道弓馬便捷所向

無敵勇也計策深長智也有勇無智一卒耳

辛未發隰寧次西涼亭亭故元巡游所上望其址歎曰元

人創此豈計今日書曰常厥德保厥位厥德靡常九有以亡

况一亭耶因禁伐亭旁樹曰殷鑒也

壬申大閱

癸酉發西涼亭次閔安命下營時大臣居中五軍分駐營外

建左右哨左右掖以總之步內騎外神機營又騎外外有長

圍四周二十里軍中雜牧毋出長圍上問諸將驅策皆

即頭信奉 陛下成策 上曰智勇先也 必愛士而和僚
甲戎勅 皇太子曰朕今去京師漸遠 軍機重務 令五府六
部議當行之 不必來奏 仍勅諸臣協心輔導 三年合
丙子次威鎮

丁丑勅前鋒都督朱榮 騎止五千 前行餘回大營 值地勿
輕進 亟馳報

庚辰 皇太子進蔬果 勅曰朕付爾宗社 親賢保民 是為爾
孝 加腹勞人 非朕心也 繼令蔬果毋遠進

辛巳 諭諸將曰 軍旅重事 朕不敢自逸 每一令出 必審思之

古人云 將國輔也 輔周國強 輔隙國弱 朕若未當 爾有深謀
長策 即面陳焉 上在軍 率五鼓起 或閱卒 或計事 夜與侍

臣論經史 或與諸將論兵法 至忘食寢

壬午 勅領運公侯 令覬運兵民 日隨大軍 行夜圍營 而宿後
者 斬

乙酉 次開平

六朔子 次玻璃谷 分所轉運 還貯開平

己丑 次通州 命都督吳成 都指揮程忠 以五百騎 馳應昌
覘

唐寅次長樂鎮鎮之水晚有泉出足飲

壬辰次清平鎮令日出應昌地益平曠宜結方陣進神機馬
隊整肅列之

癸巳次威遠川以開平報復攻萬全上曰慮我搗穴
欲牽制必不足虞

甲午次陽和谷攻萬全者遁去

丙申次祥雲地方駐蹕紫雲如蓋見營南故名

談遷曰漢晉時胡地名見史傳者多雅馴不經入道長
古陵出塞先後所駐蹕俱特名類淺俗則駭駕諸儒臣失之

率易耶

戊戌次翠玉峰有降者命善撫之

庚戌次玉河泉以深入勅前鋒都督朱榮等各領健卒三百
辛巳騎賚二十日糧宵行偵伺都督吳成等踵兵千人後應

夜天星青白光燭地出太微西垣行至近渴

己卯次通濟河令軍中護兵器馬驢行糧毋委棄

是月廣平邯鄲成安肥鄉無極藁城濬魏襄城俱霽雨傷稼
七朔辰朔次廣威鎮

戊午次環秀岡有息命馳赴簡邏騎四出

夜二大星一赤光出閣道行至雲中一青白光出婁宿行入
天倉
己未次殺胡原前鋒都督朱榮獲一部屬言阿魯台聞兵出
其母妻罵之曰明皇帝何負爾一入擾其塞吾屬擄去阿
魯台盡棄其馬配牛羊輜重於濶灤海側與其孥直北徙
上曰未信母弛備既果然召朱榮等還盡收所棄牛羊配
馬焚其輜重遂命旋師夜諭諸將曰阿魯台遁矣羽翼之者
兀良哈遂分步騎二萬為五道度其西走上親率精騎數
萬西邀之

辛酉次清水泊

皇太子遣視溧陽寶應蕭新城莒諸城壽光膠蓬萊黃中牟
原武祥符漿澤長垣薊玉田灤俱靈南傷稼
癸亥夜大星青白光燭地起右旗行至近濁

戊辰次補川命武安侯鄭亨成山侯王通陽武侯薛祿率
大營諸軍後行

己巳次沙泉靖命都督任禮等偵

庚午至上至屈裂見河兀良哈衆數萬驅輜畜西奔陷山澤
中我擊之即逆戰上麾騎翼進欲突走上衝之斬數

百級戰地背河前左皆山上登山見寇復聚乃麾兵右繞
十餘里又急分兵渡河斷其後寇數百騎突右盡獲之又左
繞十餘里伏甲深林中寇左突伏發神機弩銃寇大潰有數
百騎南走上率騎追奔三十餘里抵其巢斬首數十生
獲其黨伯兒伯克等盡收其人口牛羊駝馬焚其輜重兵器
幕宿豐潤

談遷曰戎狄無親緩則人急則獸何常之有 文皇帝始
征上不寢處阿魯台不置也亡何封阿魯台則征瓦剌又
亡何信瓦剌則征阿魯台十年之間乍臣乍叛乍賞乍譴

在虎狼之心不足責而廟筭互異非所以昭威信於萬里
之外也若曰阿魯台侵掠則瓦剌之侵掠亦見告矣且遁
野在阿魯台遷其罰於兀良哈曰彼黨逆也噫義旂初建首
下大寧簡兀良哈三千騎為奇兵立三千營不忘其德盡
捐大寧地予之割雄鎮以資伏莽又尋兵馬蓋驚遠略慕
奇策不欲虛其羈勒也雖然斬級俘獲亦無確數意者萬
乘之重固不可以銖校矣
皇太子設四州龍州鉄冶
暹羅占城入貢

辛未 上復以兵狗屈裂見河西搜餘寇大獲之
壬申 兀良哈餘寇多來降釋之

癸酉 皇太子免兩歲山東河南被水田租二十三萬八千
三百四十石有奇芻三十萬一千三百餘束
甲戌 兀良哈老弱詣軍門待罪
乙亥 工部尚書宋禮卒禮字大本河南永寧人洪武中監生
擢山西按察僉事坐累左遷戶部主事至刑部員外郎
即位署禮部拜禮部右侍郎歷工部尚書以營建北京再入
蜀株木有才幹稍嚴刻細過不宥蜀人畏之其治會通河利

賴百世稱偉代矣

丙子 次聞喜岡至大營

丁丑 命寧陽侯陳懋以五千騎追餘寇於屈裂見河東北聞
尚千餘人

夜月犯畢宿

戊寅 次捷勝原分給所獲牛羊於將士

壬午 次紫駝岡陳懋搜獲河東北深谷男婦千餘及牛羊馬
數萬并得所掠邊卒男女百餘人
是月連東淫雨傷稼

八月朔次清漢州

前軍都督僉事馬真卒真武進入龍燕山左護衛百戶靖難
功陞至是征北力戰被創還黑山卒于祭祭
已丑次祥雲屯寧陽侯陳懋逐殘山澤中敗之
壬辰次威遠川益陳懋千騎與武安侯鄭亨前行收輜重亨
懋夾擊又大敗之

乙未後軍都督僉事章安卒安壽州人龍大同衛百戶從
上征乃兒不花遷燕山左護衛千戶有智計靖難功陞守宣
府總督懷安萬全諸衛軍餉時右軍都督僉事張遠與安齊

名轉餉北還卒賜祭

夜月掩建星

戊戌署交趾布按二司工部尚書黃福乞交趾罪人皆納粟
贖罪以資餉皇太子從之

皇太子許廣西鬱林博白北流陸川歲餉九萬餘石自鬱林
航至廉州令交趾自運

己亥廣東右布政使華亭王公亮按察僉事雷塗梁觀並卒
俱有賢名

庚子次武平鎮皇太子遣富陽侯李茂芳禮部尚書呂震

迎駕

辛丑諭皇太子以班師詔天下是役最為得志然阿魯台竟遁未伏誅也

壬寅武安侯鄭亨陽武侯薛祿守開平

太監鄭和等使諸番國還諸番皆隨入貢

皇太子擢知縣鄭堅縣丞薛廣進士王眉李翥監生杜海張

翼呂翔林儀鳳劉翥葛縻張忠郝敬俱為監察御史

皇太子定官吏考滿不給由服滿不赴得代不赴因事赴京不還任俱忒保安

庚戌次雲州禁官軍躁傷田稼

辛亥壽星旦見

皇太子遣駙馬都尉沐昕趙王高燧遣長史趙季通六部臣推侍郎郭敦進賀平胡表

九月朔次榆林

丁巳度居庸關次龍虎臺享隨駕將校北京文武大臣迎駕庚申左春坊左庶子兼翰林院侍講鄒緝卒緝字仲熙吉水人力學博洽自學官擢國子助教永樂初遷侍講尋兼左中允秩滿遷左庶子預脩實錄及大典好持正議祿食三十餘

年澹泊布素身沒僅藏書數千卷同時翰林院編脩兼左春坊左贊善長樂陳仲完溫厚質實授經皇孫歷二十年不遷後緝用餘卒又右春坊右贊善武進陳濟博學強識當日解倫有布衣召總裁大典皇太子深重之亦平

壬戌昧爽命工至北京群臣表賀

朱國禎曰太宗五涉下庭三與一過以全師壓殘寇重皇以天威何所不糜然終不能掃之至盡蓋其時懲洪國之敗他將無可任者勢必親行矣聲勢陰重皆震懼悉遠輜重以精騎出沒山谷間可戰則戰不勝則遁勢

不能盡絕而我亦不勝勞苦且有榆川之變矣夫太平天子年至六十加五高矣猶介鑿輿於金戈鉄馬間驅馳絕塞不啻躬一將之任豈好勞惡佚大遠人情誠見兵將尚強及吾身用之可以免威靈杜窺伺而已皆非所惜也宣皇親侍行間克繩祖武遂成喜峰之捷英皇追慕先烈纒一敵行六師俱覆謀雖發於王振斷必決於聖衷相傳英皇在東宮宣皇問曰汝能代否應聲曰能蓋其志如此嗚呼是豈可以易言哉

癸亥下左春坊大學士楊士奇鴻臚寺丞劉順錦衣獄衛士

奇輔導有闕順奏事失辭也

夜大星光青白燭地起文昌東北行至近濁

甲子刑部右侍郎楊勉以弟罪出下錦衣獄

乙丑工部左侍郎伏伯安前過通州私潞河驛丞妾見劾下

錦衣獄

丙寅下禮部尚書呂震及吏部尚書兼庶事襄義錦衣獄蓋

震壻戶部主事張鶴失儀皇太子宥之義在側不言

己巳上御奉天門諭嚴鈔法不行使者坐大辟家徙邊

宴從征將士命禮部分等有功無過者坐前列食上食功過

四七

相等先入闕者坐中列食中食功過俱無坐下列食下食無功

無過者傍立賜鈔各有差文淵閣大學士兼翰林院學士楊

榮金幼致扈從之勞特前坐上食各賜金織紵衣一襲鈔

五千貫都督吳成不等預上列徑趨出見劾宥之

辛未封左軍左都督朱榮武進伯祿千二百石右軍都督俞

事薛貴安順伯流祿九百石

癸酉釋楊士奇復左春坊大學士

乙亥夜金星犯木星

丙子夜大星赤光燭地起天圜行至壘壁陣

辛巳夜大星光青白燭地起軍市東南行至近濁
十朔子高密流民復業七百餘戶有司乞寬宿員 工諭戶部

凡逃民復業者積年逋負悉蠲免

夜大星光青白燭地起天困行至近濁

辛卯大星光青白燭地起天狗行至天廟

癸巳命內官韋喬監察御史宋準即中呂謙等八十人檢天

下倉庫及出納之數

占城琉球中山王入貢

壬寅工部言開封土城隍黃河舊離此五里餘徑從邊村抵

獨樂岡南入淮北河決而西蕩噬城隍雖屢脩治猶不能保
無決患宜浚故道使通之報可

甲辰給大同天城陽和朔州等衛神機銃砲

免寧晉縣旱傷田租

磁州同知周原平原字彥廣繁昌人洪武乙丑進士授辰州

推官調吉婁廉平敏決不旬日周圍為空坐累免復令蒲臺

判疑獄襍飛蝗歲以大稔改新昌秩滿遷磁州俱有治行

戊申遣視沔陽州水災

己酉夜金星犯土星

壬子夜火星退犯天街工星

十一卯夜月犯畢宿

壬申辰睦國西王入貢

戊寅鄭州民獻白兔

壬午婺源知縣吳春卒春建安人

通賦數年曲諭民得辦勸學簡役會蝗災引咎赴水死民皆

思之

十戌子月土魯苗柳陳入貢

庚寅前朝鮮國王李芳遠卒訃聞謚恭定

辛卯武進伯朱榮為總兵官鎮守遼東

乙未置古魯衛女真野人

賑英山縣饑民粟九千六百十七石

辛亥釋劉順復鴻臚寺丞

癸丑夜大星光青白燭地起文昌行坐紫微東蕃內三小星

隨之

閏甲子鎮守雲南黔國公沐晟勅維摩蒙自等盜

丙寅進士黃炯李俊監生單信趙晏翟慶呂阜李鑑趙伏柴

畢薛瑾李琳為監察御史

賑登州饑民粟五十萬石

庚午後軍都督同知王麒卒麒建州松花江人舊名麻子恬
木兒洪武中來歸壯勇善射隸燕邸靖難初每戰矢不虛發
敵甚畏之

甲戌水災免鳳陽及碭山蕭縣田租
戎寅夜乾清宮災
是月倭寇象山殺縣丞章真教諭蔡海

癸卯永樂二十一年

正月丑夜月行畢宿

庚寅遣監淮安濟寧東昌臨清德州直沽商稅

乙未品工南郊

丁酉應城伯孫亨卒亨父巖燕山中護衛千戶代父任從靖
難累功歷河南都指揮僉事巖封伯亨嗣

戊戌初寧陽侯陳懋武進伯朱榮及都督柴永正都指揮馮
峇蘭指揮吳管者赴北京

庚子召都督李謙都指揮朱銘

癸卯交趾叅將蔡昌伯陳智敗黎利於寧化之車來縣利逸

去前部... 甲辰夜大星赤黃光燭地自冲天雲冲行至近濁

庚戌夜木星犯江將... 二朝雨曾迷入貢

壬戌蜀王椿慶王母惠妃郭氏滁陽王女也王徇慧能文一

自五行下關西堂延名士李叔荆蘇伯衡等商榷文史高

帝呼為蜀秀才既之國聘方孝孺為世子傳表之曰正學令

國人師之造安車賜長史茶陵陳南賓分成都學博士以月

錄施惠而崇教為王冠同母弟谷王總晚逆王發之褒賜特

厚年五十四謚曰獻

談逸曰高帝諸子蜀寧並謚獻彬、博雅君子也寧所

挾持不小審勢晦跡逃於翰墨之場至於蜀動合矩度聲

徹西陲河間好文東平樂善求之今日真其傳也

釋義復吏部尚書兼詹事

己巳李賢嗣豐城侯孫英嗣應城伯李彬孫亨子

廣西都指揮使鹿榮討平洛容柳城宜山天河等蠻寇

丁丑進士左瑞陳憲為監察御史

己卯兵科給事中金文英前成興和陷二年脫歸言「情復其官

三胡子賑登封縣饑

己丑夜大星清白光燭地自危霜北至室

庚寅成安侯郭亮卒亮合肥人襲南寧衛百戶調天策衛累

進承平衛千戶附靖難歷左軍都督同知封後守開平貪淫

不檢妾韓氏自經殉之贈淑人

辛卯釋呂震復禮部尚書

己亥盜入南京大祀壇天庫盜蒼璧二黃琮一

庚子監察御史王愈及刑部錦衣衛四人論因誤殺無罪四人命償死愈四人即棄市

己酉賑吳橋桐城饑民粟萬五千五百九十二石

庚戌夜火星犯積薪星

四卯辰夜大星赤光燭地出軫宿行至近濁

癸酉作奉先殿祭器

五朔己夜大星赤光燭地出織女東北行入天津二小星隨之

癸未遣視祥符陽武中牟寧陵項城永城滎澤太康西華蘭

陽原武封丘通許陳留洧川杞內鄉新鄉獲嘉汲淇輝睢宿

去年水災蠲其租
已丑常山中護衛總旗王瑜上變告常山中護衛指揮孟賢
等糾合羽林前衛指揮彭旭等將舉兵推趙王高燧謀不利
於上及皇太子時 上不豫宦官黃儼江保素邪媚
皇太子踈斥之遂數行離間 太子希進見趙王入朝留
儼等妄意 上屬意王隨侍孟賢等皆善欽天監王射成密
語賢曰成觀天象且有易主之變旬月間耳賢益喜與其弟
三衛士馬怒田子和高正通州右衛鎮撫陳凱等正偽為遺詔
通近侍謀鴆 上即劫出禁仗符璽屬中官楊慶養子至期

偽詔從中下立王為天子然未以告王曰待事成孟賢高正
語其甥王瑜瑜泣諫不聽詣闕上變 上命急捕賊御右順
門親聽之立誅楊慶子顧趙王曰爾為之耶王齒擊不能聲
是太子力為解窮治孟賢等皆伏誅籍其家
談遷曰孟賢隱謀不告趙王猶冒高柏人之計不告張敖
也 上雖春秋高海內晏然 東宮施澤於民久萬一宮
車宴駕盡如奸人指夜半出黃紙仍行扶籬之事輦下軍
民百萬人人欲為 太子死奸人之肉豈足食乎真迷罔
之見也第讒闖媒孽謀生意外丁外人覲其羽翼莽何羅

乘其倉皇脫不可諱豈非禪代之大痛哉而錫原無恙燕
翼相安脩齊之理區區晉獻宋文何足以語此哉
癸卯東阿知縣工虞員秉彝秩滿父老乞留特進三秩食正
六品俸還東阿進士前知即陽有德政憂去起原阿
戊申占城入貢
是月峨眉縣大雨水

六月戊朔日食

乙卯建安知縣張準卒準崑山人舉賢良任建安脩潔愛民
歲侵請鈔代租大疫乞蠲徭徭朝廷皆從之

庚申湖廣按察使陳諤改山西

七 庚辰交趾布政司右叅政房安卒安汝陽人監生洪武中授
北平按察僉事遷江西按察使上請成興州起御史歷工
部左侍郎尋調山東右叅政坐累論死又改官四川交趾老
吏嚴刻其廉不可沒也

壬午中官海壽往立朝鮮國王李禔嫡子珣為世子
辛卯鴻臚寺左少卿孫伯堅卒伯堅臨川人監生洪武中授
兵部主事歷四川左叅政治尚寬簡招諭水西諸蠻卻其金
上拜山東按察使左遷行部工曹員外郎改鴻臚侍 太

子留守為所重嘗舉刑部主事梁仕非其人識者病之
丁酉封晉府美垣聞喜王美增和順王
戎戎謀阿魯台將犯邊上召諭諸將曰朕當待之塞外乘
其勞擊之遂命安遠侯柳升遂安伯陳英領中軍武安侯鄭
亨保定侯孟瑛領左哨陽武侯薛祿新寧伯譚忠領右哨左
掖則英國公張輔安平伯李安右掖則成山侯王通興安伯
徐亨前鋒則寧陽侯陳懋等部分既定遂料軍實
庚子翰林院侍講羅汝敬脩撰李騏主試應天
釋李時勉復翰林院侍讀

壬寅發京師

皇太子令隆平侯張信等脩築薊州馬蘭等隘口又令工部

築通州抵直沽河峴

甲辰次土木大閱之喜遂賜宴會有邊卒陷脫歸者云今

聚飲馮河北聲言犯大同寧秋大同寧夏守將嚴備之

勅慶王梅嚴勅護衛官軍亦如之

乙巳軍士取田穀飼馬立斬之

丙午皇太子設貴州按察分司貴寧道安平道新鎮道思

仁道

戊申次宣府書諭 皇太子凡飲食及諸不急之物悉勿進
八月朔宴勞太營五軍諸將因大閱 皇太子為後軍都督僉事鎮守宣府羽林
衛指揮使張義為陝西行都指揮僉事鎮守懷來

甲寅發宣府次沙鎮賜諸將內廐馬曰右人克敵藉馬習調
之 翰林院侍講王英脩撰林誌主試順天

戊午壽星旦見
琉球國中山王世^已尚志入貢

庚申次萬全衛兵民有進馬牛瓜果倍償之
勅大學五軍諸將曰朕勞勩將士非志用武計生民也夫有
精兵十萬可橫行天下今以三十萬衆當此殘^不何患不克

辛酉封瓊煙為唐王

皇太子賑會同縣饑民粟千五百四十九石

甲子禮部左侍郎胡濙進太嶽太和山瑞光圖適聖壽節又

山產靈芝柳梅禮部欲賀不許

丙寅命諸將布陣聚軍士操習之神機銃當鋒馬隊居後曰

陣密則固鋒疏則達

丁卯命諸將分督沿邊隘口晝夜毋怠

乙亥次沙城召見晉庶人濟熿封其子美圭平陽王初濟熿嗣王其弟濟熿疾怨恭王之弗愛而濟熿不為之解也故數使人誣其不軌竟與世子美圭坐廢守恭王園封濟熿晉王遂鴆嫡母逼蒸恭王待兇裁絕濟熿主飲食囚抑十年故府中媪不能平訴於上以故承奉左微為証微蓋濟熿所誣佐逆者久繫京獄上出微問之得其狀即使微濟熿微馳入空室中解其糾纏相持哭時府中謂微死久及至皆大驚濟熿入見憊甚上憫之封美圭俾奉濟熿居平陽

丁丑皇太子蠲兩京山東郡縣被災田租是月瓊州暴風雨潮決壞田廬人畜

九十月皇太子開四川南部縣井鹽

戊子次西陽河抵於陰山之脊皇太子趙王及諸大臣遣人奉表賀壽卻不受

癸巳偽知院阿失帖木兒古納召等率其妻子來降備言

阿魯台今夏為瓦剌順寧王脫歡所敗其部落潰散無所屬

若聞天兵再出必遠遁不復南矣命各授正千戶

甲午諭諸將曰雖一適當謹備分令巡視緣邊脩築關隘防

守之
宥廣西融縣降盜梁羅不為民初倡亂鎮遠侯顧興祖等下
之
戎成西洋古里忽魯謨斯錫蘭山阿丹祖法兒刺撒不刺哇
木骨都束柯枝加異勒溜山喃渤利蘓門答刺阿魯滿刺加
等十六國入貢使者千二百人勅皇太子宴勞厚賜
庚子夜有星大如月青白光燭地自壘壁陣行至羽林軍
辛丑命恭順伯吳克忠安順伯薛貴都督吳成等先引三千
騎偵

十月酉平江伯陳瑄請漕糧分三運兩赴京倉一貯通州 皇
太子從之

甲寅次上莊堡前鋒寧陽侯陳懋等追至宿苞山口遇韃
靼王子也先土干率妻子部屬來歸遣人馳奏勅善視之與
偕來也先土干在胡中以點柒自豪胡人悉畏下之

甲子次天城將士獵東南山麓上臨觀之

丙寅復觀獵時風日暄霽將士健捷上喜

己巳寧陽侯陳懋以也先土干及其部屬入見上大喜召
之前與語叩頭呼萬歲命悉賜酒饌封也先土干忠勇王賜

姓名金忠其甥把台罕授都督所以宴賜甚厚遂并諭書

皇太子

庚午書諭皇太子以也先土于來降詔班師頒中外

甲戌次萬全皇太子遣定國公徐景昌表賀

十戌寅朔次懷來

辛巳入居庸關上袞衣乘玉花龍馬臣民夷使駢闐迎駕

懽呼萬歲次龍虎臺大賜宴

甲申至京師陳鹵簿工乘御輦入謁告郊廟社稷出御奉

天門朝諸臣時諸番貢使咸集闕下文武群臣上表賀上

五九

諭無怠無荒四夷來王之意

乙酉召忠勇王部下皆授官都指揮七人指揮三十一人千

戶十八人鎮撫百人

丙戌賜忠勇王諾券

丁亥皇太子聞內臣黃儼江保之譖賴上不聽以語左

春坊大學士楊士奇於文華殿士奇曰殿下益宜自盡

皇太子善之

戊子至日受朝賀大宴

給平陽王美衣祿二千石

壬辰夜月食大星光青白起參宿行至天苑
十二月浙江按察僉事蔡楫卒楫人沛舉孝廉令嘉興即出滯
囚二百餘人勸富民完積負四十八萬石有奇廳設善惡二
牌紀民行亡賴媿悔擢御史採木江西屢奏民瘼遷浙臬寬
猛適劑人多思之

辛酉夜大星光青白起翼宿行至近濁

丁卯朝鮮國王李禔遣勅貢馬萬匹賜千金錦綺羅各三百
綵絹四百

庚午夜大星光青白光燭地起張宿行至近濁

乙亥歸交趾遺骸於故鄉有司任其費

是歲交趾上供絹七千一百四十七匹漆三千斤蘓木五千
斤翠羽三千箇扇萬柄其供自十四年始歲有增損而是歲
獨贏

甲辰永樂二十二年

。正月朔。上御奉天門受朝賀。覲官二千四百七十二人。
壬午。廣西右布政使周幹等曠官被劾。下錦衣獄。尋輸作贖
罪。

甲申。大同開平並報阿魯台所部侵掠。初。忠勇王金忠數請
擊胡自効。上曰。事須有名。漢文帝言。漢過不先其需之。至
是。召公侯大臣熟計。征。皆贊決。上可之。

丙戌。勅山東山西河南陝西遼東各都司。選步騎。期三月赴
宣府。陝西行都司。西寧鞏昌沅岷河州等衛。各軍三月赴北
京。

戊子。上南郊。

辛卯。賜文武百官及京民四夷人等元宵節鈔。

戊戌。榜葛刺國僧入貢。

己亥。夜大星赤光。燭地起。左攝提行。至梗河。

壬寅。定徵征官軍賞格。

甲辰。舊港故宣慰使施進卿子濟孫遣使。丘彥成請嗣秩。且

舊印燬於火。命太監鄭和往給之。

二月。未朔。陽武侯薛祿平長興盜。吳貴歸等俱伏誅。初。賊聚千
餘人。拒命殺官吏。故遣祿以三千人往討。命薛祿等俱伏誅。初。賊聚千

交趾叅將榮昌伯陳智遣交州右衛指揮僉事陳麟擒陸那
縣盜丁仕瑜

壬子翰林院侍讀學士曾祭侍講余鼎王禮闈

瓦刺賢義王太平安樂王把禿孛羅順寧王脫歡入貢馬

戊午琉球國中山王恩紹卒遣祭

壬戌暹羅入貢

丁卯監察御史劉璉為山東布政司右叅政工部郎中江淵

為廣東布政司右叅議揚州知府陳璉為四川按察使

應城伯孫英卒英嗣爵踰年妻李氏自經殉之追封夫人

戊辰楚王賴薨賴母元妃胡氏生時 高帝破漢武昌報至

問群臣武昌古何地也對曰楚 帝曰子長予楚及分封王

齊鑄齊寶三鑄三虧乃記楚事改封焉賜王經 御註

洪範及大寶箴於座右屢命征散毛大庸銅鼓五陣諸洞蠻

又征雲南西番及全州桂陽瀘溪黔陽右州等寇俱有功王

不親蒞軍措糧無方 高帝心謂王不武也居國樂善奉法

無有逾越 上即位召為宗正八年入朝 上美王賢亦與

其官能輔導獲賜之疾篤勉世子孟烷以忠孝年六十謚曰

昭

三月丑朔策貢士葉恩等百五十人於奉天門賜邢寬梁裡孫
曰恭等進士及第出身有差

戊寅大閱命安遠侯柳升領中軍遼安伯陳英副之英國公
張輔領左掖成國公朱勇副之成山侯王通領右掖興安伯
徐亨副之武安侯鄭亨領左哨保定侯孟瑛副之陽武侯薛
祿領右哨新寧伯譚忠副之寧陽侯陳懋忠勇王金忠率壯
士為前鋒安順伯薛貴恭順伯吳克忠都督李謙等各領兵
從上諭曰阿魯台始以窮威來歸朕撫甚厚違天負恩不
一朕再出師擣其穴命如絲髮若從將士計豈能復生驅

而逐之冀能改也豺狼獸心終焉不變朕非曠武必極邊氓

丙申設底兀刺宣慰使司先是大古刺宣慰使潑的那浪據
其地故底兀刺土官之孫納蘭詣闕自陳詔復之給印符

丁酉滿刺加國王西哩麻哈者率其妃及頭目來朝

庚子選庶吉士徐賢何忠薛理李芳蔡英葛陵仍隸翰林院
譯書

甲辰南京重建天禧寺賜名大報恩寺為高皇帝后薦福

上自勒碑

四月未贈靖難時戰沒武臣

戊申告郊廟親征皇太子監國

己酉上發北京次唐家嶺

辛亥夜大星光青白出闕道南入室霜

壬子秦王志埏薨王薨而能立稍長溫恭孝敬謚曰僖

癸丑度居庸關

乙卯皇太子賑吳橋縣饑民粟千四百五十石

丁巳次土木陝西行都指揮使劉廣為右軍都督僉事署行

都司事

己未次長安崩享諸將

上

壬戌萬壽節次赤城禮部請賀上不許曰朕方勞於師

丁卯皇太子進吏科給事中張瑛禮科給事中戴綸為左

春坊左中允

庚午上上次隰寧忠勇王金忠所部指揮同知把里禿等獲

上謀云阿魯台且度塔蘭納木兒河趣漠北以避上曰寇

不遠速進陞把里禿都指揮僉事

五朔亥朔次威鎮過李陵城已四十里命翰林侍講王英視

李陵城碑在城北門出土尺餘發視之曰李陵臺驛令謝君

德政之碑其陰刻遼魯花赤等爵氏上恐異日為爭端

碎其石
濟縣蝗知縣王士應禱於八蜡祠自責越三日有鳥萬數啄
蝗盡皇太子聞而嘉之曰誠之所格何求不得
已卯次開平雨上遙見士卒沾濕寒有後至者命諸將卹
壬午遼王植薨植母妃韓氏洪武二十五年封廣寧邊
至樹柵已命郭英築宮城英督工下高帝罷役三十年都
督楊文治宮城命高壯其城門王諳兵屢奏功見褒賞建文
中坐罪奪祿上靖難王有翊衛功改國荊州別給一護衛

而故三護衛留防邊年

謚曰簡

甲申上夢神一再告曰上帝好生且召問文淵閣大學士
楊榮金幼孜曰何祥也豈天屬意此寇部屬耶皆對曰陛
下除暴安民亦好生也或者火燃崑岡玉石俱焚上帝之意
惟陛下詳之上即命草勅使中官伯力哥等諭其部落
曰往者阿魯台窮極歸朕及朕所以待之者爾等所知朕何
負此而比年以來寇掠我邊鄙度留我蒸庶誰之過與朕聞
者以天人之怒再用率師當是之時如狗將士之志爾等復
有餘命朕體好生驅之曠遠獸心不悛荼毒增甚今王師之

來罪止阿魯台一人有能順敬天道輸誠來朝朕待以恩禮
仍授官職聽擇善地毋懷疑貳以遺後悔

乙酉命安遠侯柳升瘞道中遺骸上親祭之

戊子諭諸將曰武有七德禁暴除亂是其首也又謂止戈令
罪人阿魯台耳脅從之衆有歸降者宜悉意撫綏非持兵器
向我師者縱勿殺

皇太子諭法司頑民好赴京越訴今後非重事悉下巡按御
史及按察司廉其賢

壬辰次長樂鎮楊榮金幼孜侍上曰漢高祖至柏人而心

動朕次長樂思同樂也

甲午上皇太子以山西行太僕寺少卿薛均為應天府尹兩

淮鹽運使葉春為福建布政司右叅政

乙未浙江麗水賊周叔光福建政和賊王均亮等作亂衆二
千餘人兵部議調師楊榮金幼孜言民愚迫衣食偷活可撫
而散也否則兵之工曰然下巡按御史及三司招諭

丙申次清平鎮即元應昌路也雨輜重後令諸將分接之

處州知府新淦謝子襄卒子襄由薦辟令青田有惠政邑人
乞留起處州愛民興學時患蝗虎禱於神雨三日蝗死虎遁

去小校吳米逃山中為盜數年朝議兵二千人且至亟止之
城外中自計捕之械京師處人始安性簡靜歷官三十年不
携家同邑陳永年以戶科給事中令惠安廉謹自持俄蝗至
一夕傷稼數十畝永年仰天歎曰今之不職民何辜俄群鳥
蔽日而下啄盡之遂稔改遂昌治如惠安二年卒
夜大星光青白出北斗魁行至近濁

丁酉次清平鎮宴文武大臣命內侍歌

高皇帝御製詞五

章工爵之曰此先帝垂諭創業守成之難而示淫荒酣
醜之戒也朕雖軍旅君臣杯酒敢忘先訓皆稽首謝上亦

作詞五章述奉天法祖勤政恤民之意

已亥次威遠川宴文武大臣內侍歌

上詞群臣皆頌工

悅俱沾醉

皇太子免揚州廣平順德河南湖廣累歲水災逋租十萬

六千三百四十二石有奇

夜大星青白光燭地起東南雲中至西北雲中聲如砲

六明辰朔王上次祥雲也

癸丑次金沙灤寧陽侯陳懋得胡馬九匹進上曰彼詐其

蓋防無怠

甲寅琉球國山南王他魯每入貢

丙辰次寶屏山諭諸將令深入地益謹備

戊午次玉沙泉以荅蘭納木兒河近令諸將嚴兵

皇太子遣視通州朔縣香河武清雨災傷稼

己未次龍武岡寧陽侯陳懋忠勇王金忠率師前進至荅蘭

納木兒河不見蓋遁久矣命英國公張輔成山侯王通分

兵大索仍命懋忠前覘之上駐河上

皇太子以司經局洗馬姚反直為左春坊左庶子司直郎王

文貴為司經局洗馬

壬戌次蒼石岡張輔等分兵索山谷周迴四百餘里無一跡
癸亥次房坡陳懋忠兵抵白却山糧盡返張輔等曰請假
臣一旬糧深入必得之上曰朕更思

甲子次翠雲屯召諸將令出塞已久人馬俱勞孽所存亡
幾茫廣漠若海探粟朕不窮追也遂班師

諒遜曰大皇帝漠北之駕回矣庚寅甲午間義旗雲舉
長轂雷奔蓋雪臚胸之憤勢不容緩迨本雅失里滅於前
阿魯台臣於後瓦刺三王交臂弭耳或零十剽竊未敢發
射天之矢辛丑既北邈無一跡亦可扁居庸而橐開平矣

又煩甲辰之役者何也甲士三十萬再來往於無人之境
於狡胡無少損而車傾馬殆吏憊民痛所殘者中原誠不
知幾何矣上帝好生默牖其衷豈徒然哉豈徒然哉

乙丑分諸將東西二路以歸 上東行武安侯鄭亨等率步
卒西行期會開平

丙寅次蒼玉澗勅警備殿後

己巳夜大星青黑色發壘壁陣至危宿

辛未夜大星赤光燭地起造父行入天市東垣

壬申南京地震

六九

七月丑夜大星青白光燭地起天棓行至天市西垣

庚辰 上次清水源刻紀行於高崖時 上不豫

癸未占城入貢

夜大星青白色起危宿行至近濁

乙酉次通津戍地衍多糜子騎將犯之 上適見止馬凡種
藝俱勿犯

丁亥次翠微岡 上御行帳馮几楊榮金幼孜侍 上問內

侍海壽至京師幾程曰秋中可至 上頷之已諭榮幼孜曰

東宮習政事朕還京且就閒矣因賜酒

戊子次雙流灤書諭 皇太子詔告天下
已丑次蒼崖戍 上疾甚顧左右嘆曰夏原吉愛我今大軍
戒嚴

庚寅次榆木川 上大漸遺命傳位 皇太子喪服禮儀一
遵 高皇帝遺制

夜大星赤光起奎宿行入參宿尾跡炸散衆星搖動
辛卯 上崩年六十五文淵閣大學士楊榮等與太監馬雲
等以六師在外秘不發喪液錫為禭飲畢載以龍轎盡殺
錫工戒口所至御幄朝夕起居上食如常儀榮遂馳訃 皇

太子

李維禎曰 文帝之興也蓋類唐宋兩太宗至誅夷死事
臣及於十族則二宗不能為矣勝國租庸鮮少閭閻有餘
蓄海內初定府庫多奇羨故三犁一庭費無萬數民不知
疲所下東西南諸夷數十國振動服從稱遠邇而等朝貢
其亦 高帝之餘烈耶夫開國靖難人蕙蘅也功筵楹也
乃其子孫享有茅土靖難倍蓰開國豈非天哉
朱國禎曰湯武革命順乎天而應乎人至 文皇再見柳
湯武所遇桀紂以臣加君猶有慚德 文皇所遇 建文

仁主也君臣而叔姪雖兵戈倥傯中生也稱臣歿也禮葬
比南巢之放黃鉞之斬何啻天淵然則誅夷之慘諸臣實
激成之不得不激捐九族植綱常無負建文 文皇直曰
革除云爾心知威能行一時不能後世日急續 太祖
之舊緒無頃刻敢自懈 祖訓云皇帝之勞不若親王之
逸其信然矣然則兵之起也以救死得聖之權二十二年
之經營以光大業得聖之時諸臣之僂也以定人心得聖
之威威而過焉者也

何喬遠曰 明興二百餘年於茲臣子論及 成祖尚有

武未盡善之疑豈知 高帝閱謨遠烈非 成祖繼之則
都必不班 必不威四夷必不賓服中外制度必不宴然
一尊於後世夫拘繫之行豈所以論上聖之主哉 成祖
居以唐太宗自擬有唐家法則非我儔蓋湯武耶蓋湯武
耶

談遷曰 高皇帝在天之靈歌舞謳思方切海內而北平
曾不返顧擗馬舉兵振臂疾呼用脫家禍雖茹薇之士飲
血之臣搖唇鼓吻終我未諒然鹿走山林命懸庖厨設狗
咫尺之義幽圉之下寧有天日哉 帝所以振袂而起犯

不諱於天下也。疑命之後，恪遵祖訓，而籥戢之間，弦不
得膠，刀鋸弓旌，以甄懲臣民者，猶昔日也。蠲租課吏，飭旅
闡文，不啻過之。至於航鯨海之險，軺西域之傳，觸風露，歷
寒暑，帝豈有無勞民之懼哉！逆取順守，積疑在心，窮極
王略，威振殊俗，不惜垂堂之戒，身冒埃霧，莫憑一怒之力，
銷內嫌而弭外寇，彼解縉書生，方賓肉食，烏足以知之。噫，
天樞北垂，銅柱南附，而閣輔以籌之，河漕以緯之，為國家
無窮之利，蓋劍獲也已。

壬辰龍舉次雙筆峰

辛丑夜大星青赤光燭地起天困行至近濁

壬寅次武平鎮

癸卯朔龍舉度開平

甲辰文淵閣大學士兼翰林院學士楊榮御馬監少監海壽

至自行在致 大行皇帝遺命 皇太子勸幾絕易服宮中

設几筵朝夕哭奠授 皇太孫以東宮圖書曰此 先帝賜

也今授汝識封事令赴開平迎喪節制行營官軍

乙巳百官素服臨思善門外

皇太子傳諭都督李謙等以山西兵還大同

丁未 皇太子成服

己酉龍輦次鴈鷄堡 皇太孫至御營哭迎始發喪

辛亥臣民哭迎居庸關

壬子及郊 皇太子諸王及群臣衰服哭迎至大內奉安仁
智殿加歛納梓宮

談遷曰大行故事有遺詔榆木川之變殆聖情遠豫倉皇
中不及有所命也古帝王自軒轅舜禹外有周昭王之漢江
秦始皇之沙丘六龍空返哀纏內地若黃沙白草攀號無
從函蓋以來獨 文皇也嗚呼自封燕之日受命北征者

數、矣習其地利其人遲莫之年猶有壯氣不升遐不止
也所幸黃竹雖歌白登未厄為後之計天子有道守在四
夷哉



7
9

聖